

MASAITSEWENG^A MODIMO

TSHENOLO 10:7



TAFOLE YA DITENG

Tafole Ya Diteng



- 2 Bofetatlholo
- 8 Katlholo
- 12 Leina
- 16 Botshelo Kwa Morago
- 22 Boleo Jwa Kwa Tshimologong
- 28 Letsatsi Le Le
Boifisang La Morena
- 34 Lefoko

www.molaetsa.info

kgotsa

VOICE OF GOD RECORDINGS
58 DISA RD., ADMIRAL'S PARK, GORDON'S BAY,
7140 WESTERN CAPE, REPUBLIC OF SOUTH AFRICA

A MODIMO O SANTSE A DIRA DITIRO
TSA BONATLA JAAKA A NE A DIRA
MO BAEBELENG?

A O KILE WA IPOTSA GORE GOBANENG
O TLHOKA GORE O KOLOBEDIWE?

FELA KA NTLHA YA GORE O LELOKO LA
KEREKE, A MOO GO RAYA GORE WENA O
PHOLOSITSWE?

KE ENG SE SE DIRAGETSENG KA
MMANNETE MO GARE GA NOGA LE EFA
KO TSHIMONG YA ETENE?

A O A ITSE GORE BAEBELE E SOLOFETS
GORE MASAITSEWENG A MODIMO A
TLAA BO A FEDILE MO METLHENG ENO
YA BOFELO?

KE NAKO YA GORE MASAITSEWENG
A PHUTHOLOLWE A BO A SENOLELWE
LEFATSHE.

**A O ETLEETSEGILE GO REETS
LEFOKO LA NNTE LA MODIMO?**

Fela mo metlheng ya lentswe la moengele wa bosupa,
motlheng a tla simololang go utlwala, **masaitseweng**
a Modimo a tshwanetse a bo a fedile, jaaka a boleletse
batlhanka ba gagwe baporofeti. TSHENOLO 10:7

BOPPATA TLHOLE GO

Bofetatlholego

JOHANE 14:12

*AMMAARURI, AMMAARURI, KE LO RAYA
KE RE, YO O DUMELANG MO GO NNA,
LE ENE O TLAA DIRA DITIRO TSE KE DI
DIRANG; EBILE O TLAA DIRA DITIRO TSE
DI KGOLO GO FETA TSENA; KA GONNE
KE YA KO GO RRÊ.*

MAREKO 16:17-18

*MME DITSHUPO TSENA DI TLAA LATELA BAO BA BA DUMELANG; Mo
LEINENG LA ME BA TLAA KGOROMELETS A BODIABOLO NTLE; BA TLA
BUA KA DITEME TSE DINTSHWA;
BA TLA TSHOLETS A DINOGA; MME FA BA NWA SELO SEPE SE SE
BOLAYANG, GA SE NKE SE BA UTIWISA BOTLHOKO; BA TLAA BAYA
DIATLA MO GO BA BA LWALANG, MME BA TLA FOLA.*

Botlhe ba rona re ka kgona go bula matlhare a Baebele
ra bo re bona gore Modimo o diragatsa metlholo: Moshe
ne a kgaoganya Lewatle le Lehubidu, Elia ne a bitsa
leuba, Jesu ne a tsamaya mo metsing, mme barutwa
ba ne ba fodisa ba ba lwalang.

Go na le dikete tsa ditiragalo tsa metlholo tse di
gatisitsweng ka mo Baebeleng. Fa Modimo a supela
ka metlholo le dkigakgamatso, ka ntlha eo metlholo
ya Gagwe e kae gompieno? A Ena o kgona go fodisa
kankere jaaka A ne a fodisa lepero mo Baebeleng? Ga
tweng ka PHAMOKATE kgotsa letshoroma? A O santse
a ka kgona go diragatsa motlholo? Ee, Modimo o santse
a diragatsa metlholo ebile *ditshupo tsena di latela bona
ba ba dumelang*.

Jaanong, lebang ditsala, akanyang ka ga Kgosi George
wa Engelane, motlheng a ne a fodisiwa bolwetswe jwa
go latlhegelwa ke taolo ya maikutlo le puo le motsamao
ka ntlha ya go thatafala ga letlalo la disele tsa mmele, fa
re ne re na le thapelo ka ntlha ya gagwe. Akanya ka ga
Florence Nightingale, (mmaagwe mogolo, mosimolodi
wa Red Cross), o ne a le bokete go batlile go nna jwa
diponto di le masome a marataro, a robetse koo a swa
ka kankere ya mala a mannye a mpa, a robetse foo a
swa. Lephoi le le nnnye le ne la fofela ka mo sekgweng
foo mme Mowa wa Modimo ne wa tla wa bo o re,
“MORENA O BUA JAANA, o tla tshela.” Mme ena o
na le bokete jwa diponto di le lekgolo le masome a le
matlhano le botlhano mo botsogong jo bo itekanetseng.
Akanya ka ga Leloko la phuthego-kgolo Upshaw a dutse
a tshwaregile mo ditilong le bolaong ngwaga morago
ga ngwaga, mengwaga e le masome a marataro le
borataro. Mme gone ka motsotso wa nako a bo a
ema ka dinao tsa gagwe, a siana go ralala kago, a
kgoma meno ya gagwe ya dinao, mme ne a dirwa yo o
itekanetseng ebile a siame.

Akanya fela ka ga dikete le dikete tsa batho ba ba
nnileng ba fodisiwa. Gobaneng re dula fano go
tsamaya re swa? A re direng sengwe ka ga gone.

Nna le tumelo fa o lwalla kgotsa o na le letlhoko. Baebele
ya re gore Jesu Keresete o tshwana maabane, le
gompieno, le ka bosaeng kae, jalo he fa A ne a kgona go
diragatsa motlholo mengwaga e le dikete tse pedi tse
di fetileng, ka ntlha eo O kgona go dira se se tshwanang
gompieno. O re soloeditse gore re fodisitswe, fa re ka
dumela fela.

William D. Upshaw

o ne a direla mengwaga
e ferabobedi ka mo
United States House of
Representatives a bo a
emela go nna tautona
ka 1932. Kotsi ya kwa
polasing e ne ya mo
repetlanya fa a ne a le
ngwana, mme o tlhotse
a ntse mengwaga
e le 66 gongwe mo
diikoktleding kgotsa mo
setilosekolonkothwaneng.
Ka 1951, o ne a fodisiwa
gotlhelele a bo a
tsamaya ka boitekanelo
botshelo jotihe jwa
gagwe.




Florence Nightingale

lesika le le kgakala la
ga mooki yo o tumileng,
o ne ana le kankere
e e isang losong ya
mala. O ne a romela
setshwantsho sena e le
boikuelo jwa bofelo jwa
thapelo pele ga kankere
kwa mafelong e tsaya
botshelo jwa gagwe.
Jaaka o kgona go bona,
o ne a le kwa ntlheng
ya loso pele ga Morena
Jesu a ne a mo fodisa
ka 1950. Setshwantsho
se se latelang se ne
sa tsewa morago ga
phodiso ya gagwe
sa bo se romelwa
jaaka bosupi jwa gore
Modimo o santsa a
fodisa ba ba lwalang.



Tris

Griffin o ne a ya kwa kantorong ya ngaka go sale gale ka 2013 ka ntlha
ya bottlhoko jwa mokwatla jo a neng a boifa gore bo ne bo ka kgona go nna
tiragalo gape ya ntwa ya gagwe le kankere. MRI e ne ya bontsha "go segega le
go bulega ga tshika ya konokono e e tsamaisang madi" mo pelong ya gagwe,
mo go neng ga dira gore dingaka di dire diteko tse dingwe di bo di rulaganye
nako ya go dirwa ga karo ya tshoganetso letsatsi le le latelang. Mola mo gare
ga pelo mo setshwantshong ke legago le le bonagalang le le neng le kaya loso
lwa ka bonako le le tlhomameng fa le ne le ka phatloga.



Letsatsi le le latelang, morago ga badumedi ba se na go mo rapelela, dingaka di ne tsa dira tlhatlhobo e nngwe ya CT go dirisiwa seipone go nankola lefelo la legago pele ga karo. Nako ena, ditshwantsho di ne tsa bontsha pelo e e neng e fodile gotlhelele. A maketse, ngaka e e dirang karo e ne ya bolelala Mmê Griffn, "Nna ga ke itse se nka se go bolelang. O nnile wa nna le go segega le go bulaga ga tshika ya konokono e e tsamaisang madi go tloga mo pelong, fela jaanong bosupi jothle ga bo sa le yo." O ne a mmontsha ditshwantsho pele ga thapelo, a tloga a mmontsha le morago. "Wena o gololesegile go tsamaya, mme kana, ga go na le e leng tshupo ya kankere. Wena o mo botsogong jo bo itekanetseng."



(fa molemeng) Motswi wa ngaka o supile kwa tshikeng e kgolo e e tsamaisang madi go ya ko mmeleng, e e leng lefelo le le ntsho, le le kgolokwe mo bogareng ga setshwantsho. Mola o o kgabaganyang o tshwaraganya dihuku o o fetang mo gare ga gone ke lefelo la go ruruga mo go golo mo lomoteng lwa tshika, kgotsa "legago" la tshika ya konokono e e tsamaisang madi, le le tlhokang learo la ka bonako ebile e le le bakang loso fa le ka phatloga. (kwa godimo) Setshwantsho sa bobedi sa seipone se ne sa tsewa letsatsi le le latelang. Legago le ne le nyeletse ka bottalo ebile ne la se ka la boa le ka motlha ope.

Metswedi

PESALOME 103:2-3

Segofatsa MORENA, Oho mowa wa me wa botho, mme o se lebale dithuso tsotlhe tsa gagwe: Yo o itswarelang maikepo a gago otlhé; yo o fodisang makoa a gago otlhé;

ISAIA 53:5

Fela o ne a ntshediva ditlolo tsa rona matsanko, o ne a teketelwa maikepo a rona: petso ya kagiso ya rona e ne e le mo go ene; mme ka dingalo tsa gagwe re a fodisiwa.

MAREKO 16:17

Mme ditshupo tsena di tlaa latela bone ba ba diumelang: Ba tla kgarameletsa medemone ntle ka leina la me; ba tla bua ka diteme tse dintšhwa;

LUKA 17:6

Mme Morena ne a re, Fa lo ka bo lo ne lo na le tumelo e e kana ka tlhaka ya peo ya mmasetete, lo ne lo ka nna lwa raya setlhare se sa mmurubele lo a re, Kumoga ka medi, mme o tlhomege mo lewatleng; mme se ka lo utlwa.

JOHANE 14:12

Anmaaruri, ammaaruri Ke lo raya ke re, Yo o dumelang mo go nna, le ene o tla dira ditiro tse ke di dirang; ebile o tla dira ditiro tse dikgolo bogolo go tse; ka gonne Ke ya kwa go Rré.

I BATHESALONIKA 1:5

Gonne Efangele ya rona ga e a ka ya tla ko go lona ka lefoko fela, fela gape le ka thata, le ka Mowa o o Boitshepo, le ka tlhomamo e kgolo; jaaka lo itse gore ke mohuta ofeng wa batho o re neng re le one mo go lona ka ntla ya lona.

BAHEBERE 2:3-4

Rona re ka falola jang, fa re tlhokomologa pholoso e e kalokalo; e e rileng e sena go bolelwa pele ke Morena, ra ba ra e tlhomamisediva ke ba ba mo utlwileng;

Modimo o ntse o supa mmogo le bone, ka ditshupo le dikgakgamatso, le ka metlholo ya mefutfuta, le dikabo tsa Mowa o o Boitshepo, ka fa thatong e leng ya gagwe?

BAHEBERE 13:8

Jesu Keresete yo o tshwanang maabane, le gompieno, le ka bosaeng kae.

JAKOBO 5:15

Mme thapelo ya tumelo e tla thusa yo o lwalang, mme Morena o tla mo tsosa; mme fa a dirile maleo, o tla a itswarelwaa.

I PETORO 2:24

Yo neng a belegela maleo a rona ka boene ka mmele wa gagwe kwa sefapaanong, gore rona, re neng re le ba ba suleng ntlheng ya boleo, re tshelele tshiamo: yo le fodisitweng ka dingalo tsa gagwe.

KATLHOLO

PESALOME 96:13

FA PELE GA MORENA: GONNE O
E TLA, GONNE O TLA GO ATLHOLA
LEFATSHE: O TLA ATLHOLA LEFATSHE
KA TSHIAMO, LE BATHO KA
BOAMMAARURI JWA GAGWE.

Go na le dikete tsa makoko a a farologaneng mo lefatsheng gompieno. Sedumedi sengwe le sengwe se kgala se sengwe, ntswa e le gore tsotlhe di sololetsapholoso ka lekoko la *bone*. Re itse jang gore re tlhophale lefe?

Fa re tlhophaphereke ya Khatholike, ka ntlha eo re amogela go *tsereganya ga baitshepi*, mo e leng gore ga se mo go fetang go rapela medimo ya diseto. Baebele ya re, "Gonne go na le Modimo a le mongwe, le motserganyi a le mongwe fa gare ga Modimo le batho, monna Keresete Jesu;" (I Tim 2:5). Moperesiti o bidiwa "Rara" se se neng sa se dumelwelwe ke Jesu mo go Matheo 23:9: "Mme lo sekla lwa bitsa ope rraeno mo lefatsheng: gonne Rraeno o mongwe fela, e leng yo o leng kwa legodimong." Assemblies Of God e re bolelela gore go bua ka diteme ke bosupi jwa ntlha jwa Mowa o o Boitshepo, fa Paulo a buile a re, "Le fa ke ka bua ka dipuo tsa batho le tsa baengele,

mme ke se na lorato lwa Modimo, nna ke fetogile go nna kgotlho e e dumang, kgotsa diphaphatshana tse di opiwang." (I Bakorinthe 13:1)

Makoko a batlile otlhe a re bolela ka bonako gore dilo di le dintsi ka mo Baebeleng di phutholotswe ka go fosagala, di timela mo phuthololong, kgotsa tsone ga di diragale mo lefatsheng la gompieno. Jalo he, a rona re tshwanetse re dumeleng Baebele kgotsa dithuto tsa kereke tsa selekoko? Ke eng se Modimo a tlaa se dirisang e le selekanyo sa katlholo?

Fa ke tlaa botsa Mokhatholike fano bosigong jono, "Ke eng se o akanyang gore Modimo o tlaa atlholo lefatshe ka sone?" Mokhatholike a re, "Ka Kereke ya Khatholike." Go siame, jaanong Kereke efe ya Khatholike? Jaanong ba na le ya Roma, Ya Segereika Ya Segologolo, le di le dintsi tsa tsone. Ke Kereke efe ya Khatholike e go tlaa nnang yone? Molutere a re, "Ka rona," ka ntlha eo lona Mabaptisti lo tswile. Mme fa rona re tloga re bua re re, "Ka Baptisti," ka ntlha eo lona Mapentekoste lo tswile. Go raya gore go tlaa nna le tlhakantshuke e e kalo, ga go ope yo o tlaa itseng se a tshwanetseng go se dira; jalo he Ena ga a ise a sololetsese go atlholo lefatshe ka kereke.

O ne a sololetsase go atlholo lefatshe ka Keresete, mme Keresete ke Lefoko. Mme Baebele ke se se tlaa atlholang lefatshe, e e leng Jesu Keresete yo o tshwanang maabane, gompieno, le ka bosaeng kae.

Metswedi

JOHANE 1:1

Ko tshimologong e ne e le Lefoko, mme Lefoko le ne le na le Modimo, ebile Lefoko e ne e le Modimo.

JOHANE 1:14

Mime Lefoko le ne la dirwa nama, la bo le aga mo gare ga rona (mme re ne ra bona kgalalelo ya gagwe, kgalalelo e jaaka ya yo o tsetsweng ke Rara a le esi,) a tletse ka leithogonolo le boammaaruri.

JOHANE 5:22

Gonne Rara ga a athhole motho ope, fela o abetse Morwa go athhola gotlhe.

JOHANE 12:48

Yo o nkganang, mme a sa amo gele mafoko a me, o na le mongwe yo o mo athholang: lefoko le Nna ke le buileng, lone le tlaa mo athhola kwa letsatsing la bofelo.

BAEFESO 1:5-7

Ka a ne a re tlhomamisa pele go mna bana ba gagwe ka Jesu Keresete, ka fa boipelong jo bo molemo jwa thato ya gagwe,

Ko pakong ya kgalalelo ya bopelotlhomogi jwa gagwe, ka mo a re dirileng gore re amo gele sege mo go moratwi.

Mo go yo re nang le thekololo ka madi a gagwe, e bong boitshwarelo jwa maleo, ka fa dikhumong tsa bopelotlhomogi jwa gagwe;

BAEFESO 2:5-8

Le fa re ne re sule mo maleong, o ne a a re tshedisa ga mmogo le Keresete, (kana lo pholositswe ka bopelotlhomogi;)

Mme a re tsosa ga mmogo, a bo a re nnisa ga mmogo ka mo mafelong a sele godimo ka mo go Keresete Jesu:

Gore mo dipakeng tse di tla tlang a tle a kgone go bontsha dikhumo tse dikgolo tse di heteletseng tsa bopelotlhomogi jwa gagwe mo go rona mo bopelong ntle jwa gagwe ka Keresete Jesu.

Gonne lo pholositswe ka bopelotlhomogi ka tumelo; mme eo e sa tswe mo go lona: ke neo ya Modimo:

I JOHANE 1:7

Fela ja re tsamaya mo leseding, jaaka ena a le mo leseding, rona re na le kabalano mongwe le yo mongwe, ebile madi a ga Jesu Keresete Morwae a re itshekisa boleo jotlhe.

TSHENOLO 22:18-19

Gonne ke supela mongwe le mongwe yo o utlwang mafoko a seporofeto sa buka ena, Fa motho ope a tla oketsa mo dilong tse, Modimo o tlaa mo okeletsat dipetsa tse di kwadilweng ka mo bukeng eno: Gape fa motho ope a ka tlosa sengwe sa mafoko a buka ena ya seporofeto, Modimo o tlaa kabelo ya gagwe mo bukeng ya botshelo, le go tswa mo motsemogolo o o boitshepo, le go tswa mo dilong tse di kwadilweng ka mo bukeng ena.



Leina LEINA

MAREKO 16:16

*YO A DUMELANG EBILE A KOLOBETSWA
O TLA PHOLOSWA; FELA YO O SA
DUMELENG O TLA ATLHOLWA.*


DITIRO 2:38

KA NAKO EO PETORO NE A BA RAYA A RE, SOKOLOGANG, MME
MONGWE LE MONGWE WA LONA A KOLOBETSWE MO LEINENG
LA JESU KERESTE GORE LO ITSHWARELWE MALEO, MME LO TLA
AMOGELA NEO YA MOWA O O BOITSHEPO.

Go papametse, gore kolobetso e botlhokwa, fela
a go a tshwenya gore re kolobetswa *jang?* A go na
le kolobetso e e nepagetseng, kgotsa a sengwe le
sengwe se tlaa dira? Fa o dumela Baebele, ka ntlha eo
EE, go na le kolobetso e e nepagetseng.

Dikereke di le ntsi di kolobetsa ka Leina la Rara, Morwa,
le Mowa o o Boitshepo, fela go ya ka Baebele mona ga
go a nepagala.

Mo go Ditiro 19, go ne go na le batho ba ba rileng ba ba
neng ba setse ba dumetse mo go Jesu Keresete, fela
ba ne ba ise ba amogele Mowa o o Boitshepo ka mo
dipelong tsa bona. Moapostolo Paulo ne a itse tsela e e
nepagetseng go amogela Mowa o o Boitshepo, jalo he
o ne a ba botsa, “*Lo kolobeditswe ka kolobetso efe?*”
Mme ba ne ba re, “*Ka kolobetso ya ga Johane.*” (Ditiro
19:3) Paulo o ne a bona gore ba ne ba sa kolobetswa
go ya ka tao ya ga Petoro mo go Ditiro 2:38, jalo he o
ne a ba laela gore ba kolobetswe seša mo Leineng la
Morena Jesu. Ka ntlha eo, jaaka go sololeditswe, ba ne
ba amogela Mowa o o Boitshepo.





Jalo he, gobaneng barutwa ba ne ba kolobetsa mo Leineng la Jesu fa Jesu, ka Boene, a ne a ba boleletse go kolobetsa *mo Leineng* (eseng "maina") la Rara, le la Morwa, le la Mowa o o Boitshepo? (Matheo 28:19) A ba ne ba dira phoso? Nnyaya! Ba ne ba dira totatota jaaka ba ne ba laetswe.

Jaaka o bala kgang eno e nnye, akanya ka ga leina la gago. A wena o morwa? A leina la gago ke, "Morwa"? A wena o mma? A leina la gago ke, "Mma"? Jaaka go sololetswe ga go jalo, tseo ke fela ditlhogo. O na le leina la mmannete, le Modimo o jalo.

Karabo ke ena:

*Mme ka mo Baebeleng ga go na
selo se se jaaka mongwe le ka nako epe a neng a
kolobetswa mo leineng la Rara, Morwa, Mowa o
o Boitshepo; ka gobane ga go na selo se se jalo.
Rara ga se leina; le Morwa ga se leina; le Mowa o
o Boitshepo ga se leina; fela Leina la Rara, Morwa,
Mowa o o Boitshepo ke Morena Jesu Keresete.*

Jesu Keresete ke Modimo! Ena ke Rara, Morwa, le Mowa o o Boitshepo.

Fa o senka Mowa o o Boitshepo mme o ipotsa gore gobaneng Morena a ise a go o neele, ka ntlha eo o ka nna wa batla go ipotsa yone potso e Paulo a neng a e botsa, "Wena o ne wa kolobetswa ka kolobetso efe?"

Metswedi

MATHEO 28:19

Ke gone tsamayang, mme le rute ditshaba tsotlhe, le ba kolobetsa ka leina la Rara, le la Morwa, le la Mowa o o Boitshepo; [Leina la Rara ke mang? Leina la Morwa? Leina la Mowa o o Boitshepo?]

MAREKO 16:16

Yo o dumelang ebile a kolobediwa o tla pholosiwa; fela yo o sa dumeleng o tla atlhholwa.

JOHANE 5:43

Nna ke tsile mo leineng la ga Rrê, mme ga lo ntshole; fa o sele a ka itlela ka leina la gagwe, ene lo tla mo tshola. [Fa A tla ka Leina la ga Rraagwe, ka ntla eo Leina la Gagwe ke mang?]

JOHANE 10:30

Nna le Rrê re bangwefela.

JOHANE 12:45

Mme ena yo o mpionang o bona ene yo o nthomileng.

JOHANE 14:8-9

Filipo ne a mo raya a re, Morena, re supetse Rara, mme go tla bo go re lekane.

Jesu ne a mo raya a re, Ga Ke bolo go rna le lona lobaka le le kana, mme le ka nako ega o ise o nkitse, Filipo? ena yo o mpionang o bona ene yo o nthomileng.

JOHANE 20:27-28

A ba a raya Thomase a re: Ntshetsa monwana wa gago kwano, mme o lebe diatla tsa me; mme o ntshetsese seatla sa gago kwano, mme o se tsenye mo letlhakoreng lwa me: mme o se mne yo o sa dumeleng, fela yo o dumelang.

Mme Thomase ne a mo araba a re, Morena wa me le Modimo wa me.

DITIRO 2:38-39

Foo Petoro o ne a ba raya a re, Sokologang, mme a mongwe le mongwe wa lona a kolobediwa ka leina la ga Jesu Keresete go bona boitshwarelo jwa dibe, mme lo tla amogela neo ya Mowa o o Boitshepo.

Gonne tsholofseto ke ya lona, le ya bana ba lona, le ya bottlhe ba ba kwa kgakala, e bong bottlhe fela ba Morena Modimo wa rona a tla ba bitsang.

DITIRO 4:12

Mme ga go na pholoso ka lepe le sele: gonne ga go na leina lepe le sele fa tlase ga legodimo le le neilweng mo gare ga batho, le re tshwanetseng go pholosiwa ka lone.

DITIRO 8:12

Fela erile ba dumela Filipo yo o neng a rera dilo tse di leng ka ga bogosi jwa Modimo, le leina la ga Jesu Keresete, ba ne ba kolobediwa, bottlhe banna le basadi.

DITIRO 19:3-6

A bo a ba botsa a re, lona fong lo kolobeditswe Ka kolobetso efe? Ba bo ba re, Ka kolobetso ya ga Johane.

Foo Paulo ne a re, Johane ruri o ne a kolobetsa ka kolobetso ya tshokologo, a bolelela batho, gore ba dumele mo go ene yo o tla tleng morago ga gagwe, e bong, mo go Keresete Jesu.

Ya re ba sena go utlwa sena, ba ne ba kolobediwa mo leineng la Morena Jesu.

Mme ya re Paulo a ba baya diatla, Mowa o o Boitshepo o ne wa tla mo go bone; ba bo ba bua ka diteme, ebile ba porofeta.

BAEFESO 4:5

Morena a le mongwe fela, tumelo e le nngwe fela, kolobetso e le mngwe fela,

BAKOLOSE 3:17

Mme le fa e le eng se lo se dirang ka lefoko gongwe ka tiro, dirang tsotlhe mo leineng la Morena Jesu, lo ntse lo leboga Modimo le Rara ka ene.

I JOHANE 5:7

Gonne go na le ba bararo ba ba supang ko legodimong, Rara, Lefoko, le Mowa o o Boitshepo: mme boraro jona ke bongwe fela.

BOTSHETO KWA MORAGO

Botsheto Kwa Morago

JOHANE 5:28-29

SE GAKGAMALELENG SE: GONNE OURAE
E E TLA, E BOTLHE BA BA LENG KA MO
MABITLENG BA TLA UTLWANG LENTSWE LA
GAGWE KA YONE,
MME BA TLA TSWA; BAO BA BA DIRILENG
MOLEMO, KWA TSOGONG YA BOTSHETO; MME
BAO BA BA DIRILENG BOSULA, KWA TSOGONG
YA KATLHOLO.

Go tla letsatsi motlheng mongwe le mongwe wa rona, a kana o Mokeresete kgotsa nnyaya, a tlaa fitlhelang totatota se se leng kwa morago ga sesiro sa nako. Baebele e sololetsa bangwe Botsheto jo Bosakhutleng, mme ko go ba bangwe, e sololetsa katlholo. Motho mongwe le mongwe go ralala ditso go tlhomame o ne a ipotsa, "Go tlaa diragalang eng ka nna motlheng ke swang?"

Bogologolo pele ga go ne go ka ba ga nna le Baebele go balwa, moporofeti Jobe o ne a tlhokomela tlholego. O ne a buwa ka ga tsholofelo ya setlhare, ka foo e leng gore se tlaa rengwa se bo se swa, le fa go le jalo ka monko wa metsi, sone se tlolela morago ka ko botshelong se bo se ntsha matlhogela a mašwa. Jobe o ne a itse gore motho, jaaka setlhare, o ne a tlaa tlhatlhogela botshelong gape:

Fa motho a swa, a ena o tla tshela gape? ke tlaa leta malatsi otlhe a nako ya me e ke e baletsweng, go tsamaya go fetoga ga me go goroga.

Wena o tla bitsa, mme nna ke tlaa go araba: wena tlaa nna le keletso ya tiro ya diatla tsa gago.

Gonne jaanong wena o badile dikgato tsa me: a wena ga o ele boleo jwa me tlhoko? (Jobe 14:14-16)

Jobe a ka tswa a ne a sena Baebele go bala, fela o ne a itse gore letsatsi lengwe Modimo o ne a tlaa mo tsosa mabitoleng motlheng Morekolodi wa sika loo motho a neng a tlhagelela.

*Ao fa mafoko a me a ka bo a kwadilwe jaanong!
ekete a ka bo a gatisitswe mo bukeng!*

Gore a ka bo a setilwe ka pene ya tshipi le ka lotwe mo lefikeng ka bosaeng kae.

Gonne ke a itse gore morekolodi wa me o a tshela, le gore o tla ema mo lefatsheng mo motlheng wa bofelo:

*Mme le ntswa morago ga diboko tsa letlalo la me di sena go senya mmele ona, **le mororo mo nameng ya me ke tla bona Modimo:*** (Jobe 19:23-26)

Moporofeti o ne a bua ka ga Morena Jesu le tsogo ya batho ba Gagwe. Ka tshenolo Jobe o ne a itse gore le fa mebele ya rona e ne ka nna ya omelela go feleletse, Jesu o tlaa tsosolosa nama ya rona. Mme ka matlho a e leng a rona, re tlaa bona go Tla ga Gagwe. Batho botlhe ba Modimo ba eletsa thata go bona letsatsi leo le le galalelang.

Le fa go le jalo, fela jaaka go tlhomame gore Modimo o teng, gape go na le diabolo; mme fela jaaka go tlhomame gore Legodimo le teng, gape go na le dihele. Diabe ke tsa tlhwatlhwa kgolo go na le ka fa re ka kgonang go tlthatlhanya. Moapostolo Paulo ne a bua gore, "Leitho ga le ise le bone, le tsebe ga e ise e utlwe, le e seng gore go kile ga tsena ka mo pelong ya motho, dilo tse Modimo a di baakanyeditseng ba ba mo ratang." (I Bakorinthe 2:9)

Menagano ya rona ga e kgone go tlhaloganya ka foo Legodimo le tlaa nnang lental ka teng, ebile e ka se ka ya kgona go tlhaloganya go tsitla marapo ga bobipo. Jesu ne a re bolelela gore bobipo bo maswe thata jang gore go tlaa nna botoka fa re kgaola serwe sa mmele wa rona go na le go tsaya tekeletso ya go ya kwa lefelong le le tsitlang marapo leo.

Mme fa seatla sa gago se go kgopisa, se pome se tloge: go botoka gore wena o tsene mo botshelong o golafetse, go na le go nna le diatla di le pedi go tsena ko bobipong, ka mo molelong o o sa tleng go tingwa:
(Mareko 9:43)

Jalo he ke mang yo o tlaa yang ko Legodimong? Gape ke mang yo o tlaa yang ko bobipong? Ke kakanyo e e utlwisang botlhoko, fela Jesu ne a bua gore batho ba le bantsi go feta ga ba tle go amogela tuelo e A etleetsegileng go e neela: *Tsena ko kgorong e e pitlaganeng: gonne kgoro e atlhame, ebile tsela e kgolo, e e isang kwa tatlhegong, mme ke ba le bantsi ba ba yang ko go yone: Ka gonne kgoro e pitlagane, ebile tsela e tshesane, e e isang kwa botshelong, mme ke ba le mokawana ba ba e bonang.*

(Matheo 7:13-14)

Jesu o ne a bua gape gore, "**Ga se mongwe le mongwe yo o nthayang a re, Morena, Morena, yo o tla tsenang ka ko bogosing jwa legodimo;** fa e se ena yo o dirang thato ya ga Rara yo o kwa legodimong. **Ba le bantsi ba tlaa nthaya mo letsatsing leo ba re, Morena, Morena, a rona ga re a porofeta mo leineng la gago?** mme mo leineng la gago ra kgoromeletsa bodiabolo ntle? ebile mo leineng la gago ra dira ditiro di le dintsi tse di gakgamatsang? Mme ka nako eo Nna ke tlaa ba bolelela ke re, ga Ke ise ke lo itse: **tlogang mo go nna, lona ba lo dirang boitimokanyi.**" (Matheo 7:21-23)

Fela ka gonne motho o ipobola go bo a le Mokeresete ga go reye gore ena o pholositswe. Jalo he, ena ke potso e e itsegeng mo menaganong ya rona: Nka amogela jang Botshelo jo Bosakhutleng? Jesu ne a re naya karabo e e motlhofo thata: **Ammaaruri, ammaaruri, Ke lo raya ke re, Ena yo o utlwang lefoko la me, ebile a dumela mo go ena yo o nthomileng, o na le botshelo jwa bosafeleng,** ebile a ka se tle mo katlhulong; fela ena o fetile go tloga losong go ya ka mo botshelong. (Johane 5:24)

Ka bomadimabe, go na le batho ba le mmalwa thata mo lefatsheng gompieno ba ba etleetsegileng go tsaya nako mo malatsing a bona a a kgamathetsang go utlwa Lefoko la Modimo. Mme ebile ke ba le mmalwa go feta ba ba tlaa dumelang Lefoko fa bona ba le utlwile.

Dikereke di re bolelela gore re nne motho yo o siameng, re akanye ka mokgwa o o bontshang tshepo, o se ake, wa tsietsa, kgotsa wa utswa, mme rona re tlaa ya Legodimong. Bona ga ba lemoge gore bobipo bo tlaa bo bo tletse ka batho ba eketeng ba tshela

matshelo a a siameng. Bonnete ke gore rona ga re tle go ya Legodimong ka ntlha ya ditiro tsa rona tsa tshiamo kgotsa ka gonne re leloko la kereke e e rileng. Go na le fela tsela e le nngwe ya go ya kwa Botshelong jwa Bosakhutleng, mme eo ke ka Jesu Keresete. O ne a re kaela gore re tshwanetse re DUMELE Lefoko la Gagwe, le e leng Baebele. Fa go se jalo, rona re ka bolokesega jang?

Motlhang letsatsi la katlholo le go tlelang, a wena o tlaa utlwaa, “*Tlaya, wena yo o segofetseng wa ga Rara, rua bogosi jo o bo baakanyeditsweng go tloga motheong wa lefatshe,*” (Matheo 25:34) kgotsa a wena o tlaa utlwaa, “*Tloga mo go nna, wena yo o hutsitsweng, go ya ka ko molelong wa bosafeleng, o o baakanyeditsweng diabolo le baengele ba gagwe*”? (Matheo 25:41)

Jaaka matlho a gago a bala go kgabaganya mafoko ano, wena o na le maitlhophelo a o tshwanetseng go a dira: A wena o tlaa tlhopha go dumela Lefoko la Modimo?

O ile go tshela bosakhutleng kae?

Metswedi

JOBE 14:12-16

*Jalo he motho o a robala, a se ke a tsoge: ga ba thanye, le fa ba tsosiwa mo borokong jwa bone, go fitlhelela legodimo le khutle go nna teng.
Ekete o ne o ka mphithha mo lebitleng, wa mpaya mo sephiring, go fitlhela bogale jwa gago bo time, e kete o ka mpeela sebaka, mme wa nkogopola!
Fa motho a swa, a ena a ka phela gape? foo nka bo ke tlaa leta malatsi otlhe a lobaka lwa me le le tlhomilweng, go tsamaya kgololo ya me e be e tle.
O tla bitsa, mme ke go arabe: o ka bo o tlhogoleletwa tiro ya diatla tsa gago.
Gonne jaanong o ne o bala dikgato tsa me: mme o se ke o tlhokomele sebe sa me?*

JOBE 19:23-26

*Ekete mafoko a me a ka bo a kwadilwe jaanong! Ekete a ka bo a gatiswtswe mo bukeng!
Gore a ka bo a setilwe ka pene ya tshipi le ka lotwe mo lefikeng ka bosaeng kae!
Gonne ke a itse gore morekolodi wa me o a tshela, le gore o tla ema mo lefatsheng mo motlheng wa bofelo:
Mme le ntswa morago ga diboko tsa letlalo la me di sena go senya mmele ona, le mororo mo nameng ya me ke tla bona Modimo:*

MATHEO 7:21-23

*Ga se mongwe le mongwe yo o nthayang a re, Morena, Morena, yo o tla tsenang mo pusong ya legodimo; fa e se ena yo o dirang thato ya ga Rrê yo o kwa legodimong.
Ba bantsi ba tla nthaya ka letsatsi leo ba re, Morena, Morena, a ga re a ka ra porofeta ka leina la gago? ra ba ra leleka medemone ka leina la gago? ra ba ra dira ditiro di le dintsitse dikgolo ka leina la gago?
Mme foo ke tla ba raya ke re, ga Ke ise nke ke lo itse: tlogang fa go nna, lona badira tshiamololo.*

MATHEO 22:14

Gonne ba ba biditsweng ba bantsi, mme ba ba tlhaotsweng ga ba banene.

JOHANE 3:16-17

*Gonne Modimo o ratile lefatshe mo go kalo, mo o bileng wa le neela Morwae yo o tsetsweng a le esi, gore mongwe le mongwe yo o dumelang mo go ene a se ka a latlhaga, mme a nne le botshelo jo bo sa khutleng.
Kana Modimo ga a a roma Morwae mo lefatsheng gore a atlhole lefatshe; mme e le gore lefatshe le pholosive ka ene.*

JOHANE 5:24

Ammaaruri, ammaaruri, ke lo raya ke re, Yo o utlwang lefoko la me, ebile a dumela ene yo o nthomileng, o na le botshelo jo bo sa khutleng, mme ga a tle go tsena mo katlhong; fela ena o dule mo losong a tshelela botshelong.

I BAKORINTHE 2:9

Fela jaaka go kwadilwe, Leitlho ga le ise le bone, le tsebe ga e ise e utlwae, le e sang gore go kile ga tsena ka mo pelong ya motho, dilo tse Modimo a di baakanyeditseng ba ba mo ratang.

I BATHESALONIKA 4:13-18

*Bakaulengwe, ga ke rate gore lo tlhoke go itse, ka ga bone ba ba robetseng, gore lo se hutsafale, jaaka ba bangwe ba ba se nang tsholofelo.
Gonne fa re dumela gore Jesu o ne a swa a ba a tsoga, le bone ba ba swetseng mo go Jesu Modimo o tla ba isa nae.
Gonne se re se lo bolelelang ka lefoko la Morena ke se, gore rona ba re tshelang re bile re salelang go tla ga Morena ga re kitla re raka ba ba robetseng.
Gonne Morena ka esi o tla fologa kwa legodimong ka mogkosie, le ka lenseswe la moengetse yo mogolo, le ka phala ya Modimo: mme baswi ba ba swetseng mo go Keresete ba tla tsoga pele:
Morago ga moo rona ba re setseng re sa ntse re tshela re tla tsholelediwa kwa marung mimogo le bone, go ya go kgatlhantsha Morena mo looping: mme jalo re tla mnela ruri le Morena.
Ka moo gomotsanang ka mafoko ano.*

GENESI 3:1

JAA NONG NOGA E NE E FETA

DIPHOLOGOLO TSOTLHE TSA NAGA TSE
MORENA MODIMO O DI DIRILENG KA
BOFEREFERE. MME NE YA RAYA MOSADI
YA RE, EYA, A MODIMO O BUILE A RE,
LO SE KA LWA JA SETLHARE SENGWE LE
SENGWE SA TSHIMO?

GENESI 3:6-7

MME ERILE MOSADI A BONA GORE SETLHARE SE MOLEMO GO KA
JEWIA, LE GORE SE NE SE KGATLHA MATLHO, EBILE KE SETLHARE SE
SE ELETSEGANG GO KA TLHALEFISA MOTHO, O NE A TSAYA LEUNGO
LWA SONA, A BO A JA, A NAYA LE MONNA WA GAGWE YO O NENG A
NA NAE; MME LE ENE A JA.

MME MATLHO A BONA BOOBABEDI A BUDULOGA, MME BA NE
BA LEMOGA GORE GA BA A TSWALA; MME BA NE BA ROKAGANYA
MATLHARE A MOFEIGE, BA BO BA ITIRELA DITSWALO.

GENESI 3:14-15

MME MORENA MODIMO A BO A RAYA NOGA A RE, KA GORE WENA O
DIRILE SENA, WENA O HUTSITSWE GO FETA DIRUIWA TSOTLHE, LE GO
FETA DIPHOLOGOLO TSOTLHE TSA NAGA; WENA O TLA GOPA KA MPA
YA GAGO, MME O TLA JA LEROLE KA MALATSI OTLHE A BOTSHETO
JWA GAGO:

MME NNA KE TLA A BAYA LETLHOO FA GARE GA GAGO LE MOSADI,
LE FA GARE GA PEO YA GAGO LE PEO YA GAGWE; YONE E TLA A
TSHWETLA TLHOGO YA GAGO, MME WENA O TLA E LOMA SERETHE.

Jona ke boleo jwa ntlha jo bo gatisitsweng mo Baebeleng. E e boferefere go feta ya diphologolo tsotlhe, nogia, "ne ya tsietsa" Efa gore a je karolwana ya leungo le le neng la se dumelwelwe. O ne a le ja a bo a le naya monna wa gagwe, se se neng sa baka gore ba lemoge gore bona ba ne ba sa tswala.

Dipotso tse di papametseng ke gore: Noga e ka kgonang jang go bua? Apole e amana jang le go bo o sa ikatega? Ebile, peo ya nogia e lomagana kae mo go tsotlhe tsena?

Baebele ya re nogia e ne e le e e "boferefere" go feta thata ya diphologolo tsotlhe. O ne a tshwana thata jang le motho, gore ena o ne a kgonia go tsamaya, go bua, le e leng go nna le puisanyo e e tlhaloganyegang ya botsipa. Morago a sena go tsietsa mosadi wa ga Atame, Modimo o ne a mo hutsa go nna nogia, fela e seng pele ga tshenyo e sena go direga mme peo e ne e jwetswe.

Baebele ya re mo go Genesi 3:15 gore nogia e ne e na le peo, mme



Modimo ne a tsenya *letlhoo* fa gare ga dipeo tse pedi tse. Mo go papametseng ke gore, peo ya noge e ne ya tswakana le peo ya ga Efa ya tlholego pele ga kgaoganyo. Moo gotlhe go ka nna jang ditlamorago tsa go ja apole? Ga tloga, ditemana di le mmalwa morago, "Atamo o ne a bitsa leina la mosadi wa gagwe Efa; ka gonne o ne a le mma-ditschedi tsotlhе." Ela tlhoko gore ga e re Atamo ne a le rraagwe botlhе ba ba tshelang.

Go na le "maungo" a a farologaneng ka mo Baebeleng. Jaaka go sololetswe, go na le leungo le le jaaka ga go bolelwa, jaaka apole, e e golang ebile e jewa jaaka dijo. Gape go na le leungo le le umakang ka ga ditiro tsa rona, a kana ke ditiro tsa tlholego jaaka bolemi le papatso, kgotsa ditiro tsa semowa jaaka go diragatsa metlholo le go rera Efangedi. Go tloge, go nne le leungo la sebopelo, se se buang ka ga boimana le pelego.

A go ja leungo le le jaaka lefoko le buwa le ka naya Atamo le Efa tlhaloganyo ya gore ba ne ba sa ikatega? Kgotsa, go ne go tlaa tsaya botsalanyo jwa senama fa gare ga monna le mosadi go tlhaloganya gore gobaneng ba tshwanetse go apesa dirwe tse dingwe tsa mebele ya bone?

Tota ke eng se se diragetseng letsatsi lele ko Tshimong go baka gore batho botlhе ba we?

*Jaaka Peo ya mosadi e ne e le jaaka re bua
gore Modimo o ne a Itsala mo nameng ya
motho, jalo he peo ya noge ke tsela e e jaaka
re bua e Satane a e fitlhetseng gore o ne a*

*na le bokgoni jwa go ipulela mojako ka mo
losikeng lwa motho. Go ne go sa kgonege mo
go Satane (gonne ena ke fela setshedi sa mowa
se se TLHODILWENG) go itsala ka mokgwa
o Modimo a Itsetseng ka one, jalo he pego ya
Genesi e bolela ka foo a tsadileng peo ya gagwe
a ba a ikitsise kgotsa a ikentela ka mo losikeng
lwa motho. Gopola gape gore Satane o bidiwa
"noga." Ke peo kgotsa moento wa gagwe ka
mo lotsong lwa batho le re buang ka ga lone.*

*Pele ga Atamo a nna le kitso ya senama ya ga
Efa, noge e ne e setse e na le kitso eo pele ga
gagwe. Mme yoo yo neng a tsalwa ke yone e
ne e le Kaine. Kaine o ne a le wa (a tssetswe ke,
a tsadilwe ke) yoo "Yo o Bosula," I Johane 3:12.*

*...Boammaaruri jwa kgang e ke gore Efa o ne a
na le barwa ba le BABEDI ka mo sebopelong sa
gagwe (mawelana) go tswa mo go imisiweng
mo go KGAOGANYENG. O ne a ithwele
mawelana, ka go ima ga ga Kaine nako nngwe
pele ga moo ga ga Abele.*

Metswedi

GENESI 3:6-7

Mime erile mosadi a bona gore setlhare se molemo go ka jewa, le gore se ne se kgatlha matlho, ebile ke setlhare se se eletsegang go ka tlhalefisa motho, o ne a tsaya leungo lwa sona, a bo a ja, mme gape a naya le monna wa gagwe yo o neng a na nae; mme le ene a ja.

Mime matlho a bona boobabedi a ne a buduloga, mme ba ne ba lemoga gore ga ba a tswala; mme ba ne ba rokaganya matlhare a mofeige, ba bo ba itirela ditswalo.

[Bona ba ne ba tlaa itse jang gore ba ne ba sa ikatega go tsweng mo go jeng leungo?]

GENESI 3:13-15

Mime MORENA Modimo ne a raya mosadi a re: Ke eng sena se o se dirileng? Mme mosadi a re, Noga e ntsieditse, mme ka ja.

Mime MORENA Modimo a raya noga a re, E re ka o dirile sena, o hutsitswe bogolo go diruwa tsotlhe, le bogolo go diphologolo tsotlhe tsa naga; o tla gopa ka mpa ya gago; mme o tla ja lerole ka malatsi otlhe a botshelo jwa gago:

Le gona ke tla bay a lethoo fa gare ga gago le mosadi, le fa gare ga peo ya gago le peo ya gagwe; yone e tla go tshwetla tlhogo, mme wena o tla e loma serethe.

[Noga e ne e na le peo. Go papametse gore, sena ga se umake ka ga noga.]

GENESI 3:20

Mime Atamo ne a taya mosadi wa gagwe leina a re Efa; gonne ke ene mma-ditshedi tsotlhe. [Gobaneng Atamo a sa bidiwe rra-ditshedi tsotlhe?]

GENESI 4:1-2

Mime Atamo o ne a itse Efa mosadi wa gagwe; mme a ithwala, a bo a belega Kaine, a re: Ke bonye monna go tswa ko go MORENA.

A boela a belega Abele monnawe. Abele o ne a le modisa wa dinku, fela Kaine ne a le molemi wa masimo.

[Botshelo jotlhe bo tswa kwa go Modimo, a kana bo imilwe ka fa molaong kgotsa kwa ntle ga molao. Satane ga a kgone go tlhola botshelo.]

LUKA 3:38

Yo neng a le morwa Enose, yo neng a le morwa Sethe, yo neng a le morwa Atamo, yo neng a le morwa Modimo.

[Letibolo Kaine o kae mo lotsong lwa ga Atamo?]

I JOHANE 3:12

E seng jaaka Kaine, yo e neng a le wa yo o bosula yole, ebile a neng a bolaya monnawe. Mme o mmolaetseng? Ka gobo ditiro tse e leng tsa gagwe di ne di le bosula, mme tsa ga monnawe di siame. [Modimo ne a tlhola Atamo mo setshwanong se e leng sa Gagwe. Bosula jwa ga Kaine bo ne bo tswa kae, mme tshiamo ya ga Abele e ne e tswa kae? Dikao tsa bona di ne di le segotso go tswa kwa go borraabona.]

JUDE 1:14

Le ene Enoke, motho wa bosupa go tloga mo go Atamo, yo neng a porofeta ka ga bano, a re,

Bonang, Morena o e tla a na le dikete di le masome tsa baitshepi ba gagwe,

[Ga goope mo Baebeleng kwa Kaine a leng mo lotsong lwa ga Atamo.]



LETSATSI LE ETLE BOIFISANG LA MORENA

Letsatsi Le Le Boifisang La Morena

MALAKI 4:1

GONNE, BONANG, LETSATSI LE ETLA,
LE LE TLA TUKANG JAAKA LEUBELO...

MALAKI 4:5-6

BONANG, KE TLAA LO ROMELA ELIA MOPOROFETI PELE GA GO TLA
GA LETSATSI LE LEGOLO LE LE BOIFISANG LA MORENA:
MME O TLA SOKOLLELA PELO YA BORRAABANA KO BANENG,
LE PELO YA BANA KO GO BORRAABO, ESERE KA TLA KA ITAYA
LEFATSHE KA PHUTSO.

Buka ya bofelo ya Kholagano e Kgologolo e sololetsa tshenyo ya lefatshe. Fela pele ga bokhutlo, Elia moporofeti o boleletswe pele gore o tshwanetse go boa a bo a itsese Mesia. Bangwe ba bua gore Johane Mokolobetsi o diragaditse seporofeto sena.

Mengwaga e le dikete di le pedi tse di fetileng, Majuta a ne a sololetsore gore Mesia a tle. Ba ne ba itse gore Malaki o porofetile gore monna ka mowa wa ga Elia o ne a tlaa itsise Mesia ko go bona. Fela erile fa Johane Mokolobetsi a ne a tla, o ne a se se ba neng ba sololetsore gore Elia o tshwanetse go nna sone. Fa ba ne ba botsa Jesu ka ga gore gobaneng Elia a ne a ise a tle pele, O ne a ba bolelela go papametse gore Johane o ne a le tiragatso ya seporofeto seo: *"Mme fa lo tlaa go amogela, yona ke Eliase, yo neng a tshwanetse go tla."* (Eliase ke Popego ya Segerika ya leina, Elia.)



E ne e le fela setlhophpha se sennye sa batho se se neng sa amogela tshenolo ena. Ko go ba le bantsi thata ba baeteledi pele ba sedumedi, Johane o ne a se mo go fetang mokgadi yo o tlhwaafetseng thata go feta wa makgotla a bona. Ga ba a ka fela ba se lemoge mowa wa ga Elia, fela mo go maswe, ba ne gape ba se kgone go bona go Tla ga Keresete.

Jalo he a Johane Mokolobetsi o ne a diragatsa seporofeto sa ga Malaki? Eseng ka botlalo.

Santlha, lefatshe ga le ise le "tuke jaaka leubelo" ka nako e, jalo he re itse gore mo bobotlananyaneng karolo ya ga Malaki 4 e santse e tshwanetse e diragale. Karolo e nngwe ya Lekwalo e e neng e sa diragatswa ke Johane e ne e le, "go sokollela pelo ya bana ko go borraabo." Mme, Jesu, ka Boene, ne a porofeta gore Elia o tla (bokamoso) tla a tsosolose dilo tsotlhe. (Matheo 17:11)

Ke gone ka moo re tshwanetseng re bo re solofoletse Elia pele ga go Tla ga Bobedi ga Keresete!

Jaanong, mo motlheng ono wa segompieno, ke nako ya go Tla ga Bobedi ga Morena Jesu. Gape, rona re solofeditswe gore mowa wa ga Elia o tlaa Mo itsise mo go rona go ya ka Malaki 4. Fela ke setlhophpha sefe sa batho se se tlaa lemogang Elia mothhang a tlang? Fela bao ba ba mo sololetseng.

Mafoko ano a Morena le Mmoloki wa rona a tla mo monaganong fa re akanya ka ga seporofeto sa ga Malaki mo dioureng tseno tse di tswalang tsa nako:

Fela Ke lo raya ke re, Gore Elia o setse a tlide, mme ga ba a ka ba mo itse...

Matheo 17:12



Go ka tweng fa re ka se kgone go bona go tla mona ga Elia? A rona ka ntlha eo re tla se kgone go bona go Tla ga Bobedi ga Keresete, jaaka bakwadi le Baferasai ba neng ba se kgone go bona go Tla ga Gagwe ga Ntlha ka gobane ga ba a ka ba kcona go lemoga Johane Mokolobetsi?



Metswedi

2 DIKGOSI 2:15

Mme ya re barwa baporofti ba ba neng ba lebaganye nae kwa Jerikho ba mmona, ba ne ba re, Mowa wa ga Elia o m o go Elisha. Mme ba ne ba tla go mo kgathlantsha, mme ba mo ikobela fa fatshe mo pele ga gagwe.

ISAIA 40:3-4

Lentswe la yo o bitsang ko bogareng ga naga la re, Baakanyang tsela ya MORENA, lo siamisetse Modimo wa rona tsela-kgolo mo sekakeng.

Dikhuti tsotlhe di tla katelwa, le dithaba tsotlhe le dithabana di tla kokobediwa: ebile fa go sokameng go tlaa lolamisiwa, le mafelo a magwata a tlaa papanwa: [Johane Mokolobetsi]

MALAKI 3:1

Bonang, Ke tlaa lo romela morongwa wa me [Johane Mokolobetsi], mme o tlaa baakanya tsela fa pele ga me: mme Morena, yo lo mo senkang, o tla tla mo tempeleng ya gagwe ka tshoganetso, ebong morongwa wa kgolagano, yo lo itumelang mo go ena: bonang, o tla tla, go bua MORENA wa masomosomo.

MALAKI 4:1-6

Gonne, bonang, letsatsi le e tla, le le tla tukang jaaka leubelo [ga go ise go diragale ka nako e]; mme botlhe ba ba ikgogomosang, eya, le bottlhe ba ba dirang tsa boikepo, ba tla nna dirite: mme letsatsi le le tl Lang le tla ba fisa, go bua MORENA wa masomosomo, gore le ka se ba tlogelele modi le e sang kala.

Fela lona ba lo boifang leina la me Letsatsi la tshiamo le tla lo tlhabela ka phodiso mo diphukeng tsa lone; mme lo tla bolola, lo gola jaaka dinamane tse di tswang mo sakeng.

Mme lo tla gataka baikepi; gonne ba tla nna melora ka fa tlase ga dipato tsa dinao tsa lona ka letsatsi le ke tlaa dirang selo se ka lone, go bua MORENA wa masomosomo.

Gakologelwang molao wa ga Moše mothlanka wa me, o ke o mo laetseng kwa Horebe go nna wa Baiseraele botlhe, le ditaolo le ditaelo.

Bonang, Ke tlaa lo romela Elia moporofeti pele ga go tla ga letsatsi le le golo le le boifisang la MORENA:

Mme o tla sokololela pelo ya borrabana mo baneng ba bona [Johane Mokolobetsi], le pelo ya bana kwa go borraabo [Elia wa segompieno], e se re gongwe ka tla mme ka itaya lefatshe ka phutso.

MATHEO 11:10

Gonne yo ke ene, yo go kwadilweng ka ga gagwe ga twe: Bona, ke roma morongwa wa me fa pele ga gago, yo o tla baakanyang tsela ya gago fa pele ga gago. [Malaki 3:1, Johane Mokolobetsi]

MATHEO 11:11-12

Mme Jesu ne a araba a ba raya a re, ka nnete Eliase o tla tla pele, a bo a tsosolosa dilo tsotlhe. [Elia wa segompieno]

Fela ke lo raya ke re, Gore Eliase o setse a tsile, mme ga ba a ka ba mo itse, fela ba dirile ka ene ka fa ba ratileng ka teng. [Johane Mokolobetsi] Ka tsela e a tshwanang Morwa motho le ene o tla bogiswa ke bona.

LUKA 1:17

Mme o tla mo etelela pele ka mowa le ka thata ya ga Eliase, go sokololela dipelo tsa borra-bana mo baneng, le ba ba sa utlweng go ba sokololela mo boitthaleng jwa basiami; go baakanyetsa Morena setshaba se a se etleleditsweng. [Johane Mokolobetsi]

Lefoko LEFOKO

BAHEBERE 4:12

GONNE LEFOKO LA MODIMO LE A
TSHELA, EBILE LE NA LE MAATLA
THATA, LE BILE LE BOGALE GO FETA
TŠHAKA E E MAGALE MABEDI, LE
PHOLLELANG LE E LENG GO FITLHA
MO LE KGAOGANYANG MOWA WA
BOTHO LE MOWA, LE MALOKOLOLO
LE MOKO, EBILE KE MOLEMOMI WA
DIKAKANYO LE MAIKAELELO A PELO.

Ka dithuto tsa kereke tse dintsi jaana, makoko, le ditumelwana tse di seng tsone mo lefatsheng lena la segompieno, ke kae kwa modumedi wa nnete a tshwanelegang gone? Fa Petoro, Jakobose, le Johane ba ne ba le fano mo lefatsheng gompieno, ke lekoko lefe le ba neng ba tlaa ipataganya le lone? A metlholo e ne e santse e tlaa latela bodiredi jwa bone kgotsa a bona ba ne ba tlaa bolela phatlalatsa gore metlha eo ke kgale e fetile? A bona ba ne ba tlaa tsenya kolobetso mo dipharagobeng? A ba ne ba tlaa latela thuto ya bona ya kereke le ntswa e ne e tlaa bo e fapogile gannyne go tloga mo Lefokong? A bona ba ne ba tlaa dumela Baebele, kgotsa a bona ba ne ba tlaa dumela Baferasai le Basadukai ba segompieno?

Ipotse potso eno: Fa Jesu Keresete a ne a le fano gompieno, a wena o ne o tlaa tlogela tsotlhe go Mo latela? A o ne o tlaa dumela Lefoko la Gagwe?

O go neile tšhono e e tshwanang e A e neetseng barutwa ba Gagwe. Ena o beile bukana ena ka mo seatleng sa gago go go supela morago kwa Lefokong la Gagwe, Baebele ya Gagwe. A wena o tlaa tsenya sengwe mo dipharagobeng?

Banna le basadi, ditsala, a lona lo lemoga Modimo wa Legodimo yo o tsositseng Keresete Jesu mo baswing gore, Ena ga a swa fela O a tshela. Mme fa Ena a ne a tshegetsa Lefoko la Gagwe ko go Dafita, fa A ne a le tshegetsa ko go Elia, fa A ne a le tshegetsa ko go Moshe, fa A ne a le tshegetsa ko baneng ba Bahebere, fa A ne a le tshegetsa ko go—ko go Daniele, Ena o tlaa le tshegetsa ko go wena le nna.



A O TLAA RATA GO ITSE MO GO FETANG?

www.molaetsa.info

KGOTSA

Voice Of God Recordings
South Africa Office
58 Disa Rd., Admiral's Park, Gordon's Bay,
7140 Western Cape, Republic of South Africa



MASAITSEWENG A MODIMO

TSHENOLO 10:7

www.molaetsa.info

VOICE OF GOD RECORDINGS
SOUTH AFRICA OFFICE

58 DISA ROAD, ADMIRAL'S PARK, GORDON'S BAY 7140
WESTERN CAPE REPUBLIC OF SOUTH AFRICA
TSWANA